

特35

305

小學提要
一

008909-001-3

特35-305

小学提要

高橋 茂三郎/著

M32

AAC-2024




南摩綱紀監修

小學提要

中學書院梓

小學提要

例言三則



此編就朱子小學提其最切要於我
教育者以充中學倫理科講

坊本所加註脚一切刪去欲俾學者

尋思自得也。

一 每條必註引書以便參稽。

明治三十一年十二月

國語漢文研究會

簡野道明

吉田六之助

天野茂雄

小學序

古者小學教人以灑掃應對進退之節。愛親敬長。隆師親友之道。皆所以爲修身齊家治國平天下之本。而必使其講而習之。於幼穉之時。欲其習與智長。化與心成。而無扞格不勝之患也。今其全書雖不可見。而雜出於傳記者亦多。讀者往往直以古今異宜而莫之行。殊不知其無古今之異。

者固未始不可行也。今頗蒐輯以為此書。授之童蒙。資其講習。庶幾有補於風化之萬一云爾。

淳熙丁未三月朔旦晦菴題

小學 內篇

立教 第一

子思子曰。天命之謂性。率性之謂道。修道之謂教。則天明。遵聖法。述此篇。俾為師者知所以教。而弟子知所以學。

列女傳曰。古者婦人。妊子。寢不側。坐不邊。

立不蹕。不食邪味。割不正不食。席不正不坐。目不視邪色。耳不聽淫聲。夜則令瞽誦。

詩道正事。如此則生子形容端正。才過人矣。

○曲禮曰。幼子常視母。誑立必正方。不傾聽。

○孟子曰。人之有道也。飽食暖衣。逸居而無教。則近於禽獸。聖人有憂之。使契爲司徒。教以人倫。父子有親。君臣有義。夫婦有別。長幼有序。朋友有信。滕文公上

○弟子職曰。先生施教。弟子是則。溫恭自虛。所受是極。見善從之。聞義則服。溫柔孝弟。毋驕恃力。志無虛邪。行必正直。游居有常。必就有德。顏色整齊。中心必式。夙興夜寐。衣帶必飭。朝益暮習。小心翼翼。一此不懈。是謂學則。管子

○孔子曰。弟子入則孝。出則弟。謹而信。汎愛衆。而親仁。行有餘力。則以學文。論語學而

○子夏曰。賢。賢。易。色。事。父。母。能。竭。其。力。事。君。能。致。其。身。與。朋。友。交。言。而。有。信。雖。曰。未。學。吾。必。謂。之。學。矣。學而

明 倫 第一

孟子曰。設。為。庠。序。學。校。以。教。之。皆。所。以。明。人。倫。也。稽。聖。經。訂。賢。傳。述。此。篇。以。訓。蒙。士。

○曲禮曰。凡。為。人。子。之。禮。冬。溫。而。夏。清。昏。

定。而。晨。省。出。必。告。反。必。面。所。遊。必。有。常。所。習。必。有。業。恒。言。不。稱。老。

○禮記曰。孝。子。之。有。深。愛。者。必。有。和。氣。有。和。氣。者。必。有。愉。色。有。愉。色。者。必。有。婉。容。孝。子。如。執。玉。如。奉。盈。洞。洞。屬。屬。然。如。弗。勝。如。將。失。之。嚴。威。儼。恪。非。所。以。事。親。也。祭義

○曲禮曰。凡。為。人。子。者。居。不。主。奧。坐。不。中。席。行。不。中。道。立。不。中。門。食。饗。不。為。粢。祭。祀。

不爲尸。聽於無聲。視於無形。不登高。不臨深。不苟嘗。不苟笑。

○孔子曰。父母在不遠遊。遊必有方。論語

里仁

○內則曰。子婦孝者敬者。父母舅姑之命。勿逆。勿怠。若飲食之。雖不嘗。必嘗而待。加之衣服。雖不欲。必服而待。加之事。人代之。已雖不欲。姑與之。而姑使之。而後復之。

○曲禮曰。父召無諾。先生召無諾。唯而起。○禮記曰。父命呼。唯而不諾。手執業。則投之。食在口。則吐之。走而不趨。親老。出。不易方。復。不過時。親癢。色容不盛。此孝子之疏節也。父沒而不能讀。父之書。手澤存焉爾。母沒而杯圈不能飲焉。口澤之氣存焉爾。

玉藻

○曾子曰。孝子之養老也。樂其心。不違其

志樂其耳目安其寢處以其飲食忠養之
是故父母之所愛亦愛之父母之所敬亦
敬之至於犬馬盡然而況於人乎內則

○曾子曰父母愛之喜而弗忘父母惡之
懼而無怨父母有過諫而不逆大戴禮又禮

記祭義

○內則曰父母有過下氣怡色柔聲以諫
諫若不入起敬起孝說則復諫不說與其

得罪於鄉黨州閭寧孰諫父母怒不說而
撻之流血不敢疾怨起敬起孝

○孔子曰父在觀其志父沒觀其行三年
無改於父之道可謂孝矣學而

○內則曰父母雖沒將為善思貽父母令
名必果將為不善思貽父母羞辱必不果
○祭義曰霜露既降君子履之必有悽愴
之心非其寒之謂也春雨露既濡君子履

之。必有怵惕之心。如將見之。

○君子之祭也。必身親莅之。有故則使人可也。祭統

○祭義曰。致齊於內。散齊於外。齊之日。思其居處。思其笑語。思其志意。思其所樂。思其所著。齊三日。乃見其所為齊者。祭之日。入室。僂然必有見乎其位。周還出戶。肅然必有聞乎其容聲。出戶而聽。愴然必有聞

乎其歎息之聲。是故先王之孝也。色不忘乎其目。聲不絕乎耳。心志嗜欲不忘乎心。致愛則存。致懋則著。著存不忘乎心。夫安得不敬乎。

○曲禮曰。君子雖貧。不粥祭器。雖寒。不衣祭服。為宮室。不斬於丘木。

○王制曰。大夫祭器不假。祭器未成。不造。燕器。

○孔子謂曾子曰。身體髮膚受之父母。不敢毀傷。孝之始也。立身行道。揚名於後世。以顯父母。孝之終也。夫孝始於事親。中於事君。終於立身。愛親者不敢惡於人。敬親者不敢慢於人。愛敬盡於事親。而德教加于百姓。刑于四海。此天子之孝也。在上不驕。高而不危。制節謹度。滿而不溢。然後能保其社稷。而和其民人。此諸侯之孝也。非

先王之法服不敢服。非先王之法言不敢道。非先王之德行不敢行。然後能保其宗廟。此卿大夫之孝也。以孝事君則忠。以敬事長則順。忠順不失。以事其上。然後能守其祭祀。此士之孝也。用天之道。因地之利。謹身節用。以養父母。此庶人之孝也。故自天子至於庶人。孝無終始。而患不及者。未之有也。孝經

○孔子曰。父母生之。續莫大焉。君親臨之。厚莫重焉。是故不愛其親而愛他人者。謂之悖德。不敬其親而敬他人者。謂之悖禮。

孝經

○孝子之事親。居則致其敬。養則致其樂。病則致其憂。喪則致其哀。祭則致其嚴。五者備矣。然後能事親。事親者。居上不驕。為下不亂。在醜不爭。居上而驕。則亡。為下而

亂。則刑。在醜而爭。則兵。此三者不除。雖日用三牲之養。猶為不孝也。孝經

○孟子曰。世俗所謂不孝者五。惰其四支。不顧父母之養。一不孝也。博奕好飲酒。不顧父母之養。二不孝也。好貨財。私妻子。不顧父母之養。三不孝也。從耳目之欲。以為父母戮。四不孝也。好勇鬪狠。以危父母。五不孝也。離婁下

○曾子曰。身也者。父母之遺體也。行。父母之遺體。敢不敬乎。居處不莊。非孝也。事君不忠。非孝也。莅官不敬。非孝也。朋友不信。非孝也。戰陳無勇。非孝也。五者不遂。戮及於親。敢不敬乎。禮記祭義

○孔子曰。五刑之屬三千。而罪莫大於不孝。孝經

右明父子之親

○曲禮曰。凡爲君使者。已受命。君言不宿於家。君言至。則主人出拜。君言之辱。使者歸。則必拜送于門外。若使人於君所。則必朝服而命之。使者反。則必下堂而受命。

○孔子曰。君子事君。進思盡忠。退思補過。將順其美。匡救其惡。故上下能相親。古文

孝經

○君使臣以禮。臣事君以忠。論語八佾

○子路問事君。子曰：勿欺也，而犯之。論語

憲問

○鄙夫可與事君也與哉？其未得之也，患

得之；既得之，患失之；苟患失之，無所不至，

矣。論語陽貨

○孟子曰：責難於君，謂之恭；陳善閉邪，謂

之敬。吾君不能，謂之賊。離婁上

○有官守者，不得其職，則去；有言責者，不

得其言，則去。公孫丑下

○王蠋曰：忠臣不事二君，列女不更二夫。

戰國策齊策

右明君臣之義

○禮記曰：夫昏禮，萬世之始也。取於異姓，

所以附遠，厚別也。幣必誠，辭無不腆，告之

以直信，信事人也。信婦德也。壹與之齊，終

身不改。故夫死不嫁。男子親迎，男先於女。

剛柔之義也。天先乎地。君先乎臣。其義一也。執摯以相見。敬章別也。男女有別。然後父子親。父子親。然後義生。義生。然後禮作。禮作。然後萬物安。無別無義。禽獸之道也。

郊特牲

右明夫婦之別

○孟子曰。孩提之童。無不知愛其親。及其長也。無不知敬其兄也。盡心上

○徐行後長者。謂之弟。疾行先長者。謂之不弟。告子下

○曲禮曰。見父之執。不謂之進。不敢進。不謂之退。不敢退。不問不敢對。

○年長以倍。則父事之。十年以長。則兄事之。五年以長。則肩隨之。曲禮

○從於先生。不越路。而與人言。遭先生於道。趨而進。正立拱手。先生與之言。則對不

與之言則趨而退。從長者而上丘陵則必鄉長者所視。曲禮

○凡為長者糞之禮必加帚於箕上以袂拘而退其塵不及長者以箕自鄉而扱之。

曲禮

○將卽席容無怍兩手摳衣去齊尺衣毋撥足毋蹶先生書策琴瑟在前坐而遷之戒勿越坐必安執爾顏長者不及毋僂言。

正爾容聽必恭毋勦說毋雷同必則古昔。

稱先王。曲禮

○侍坐於先生先生問焉終則對請業則

起請益則起。曲禮

○尊客之前不叱狗讓食不唾侍坐於君子君子欠伸撰杖履視日蚤莫侍坐者請

出矣。曲禮

○侍坐於君子君子問更端則起而對。曲禮

○侍坐於君子。若有告者。曰。少間。願有復也。則左右屏而待。曲禮

○長者賜。少者賤者不敢辭。曲禮

○御同於長者。雖貳不辭。偶坐不辭。曲禮

○侍於君子。不顧望而對。非禮也。曲禮

○少儀曰。尊長於己。踰等不敢問其年。燕見不將命。遇於道見則面。不請所之。侍坐弗使。不執琴瑟。不畫地。手無容。不翣也。寢

則坐而將命。

○王制曰。父之齒隨行。兄之齒鴈行。朋友不相踰。輕任并。重任分。頌白者不提挈。君子耆老不徒行。庶人耆老不徒食。

○論語曰。鄉人飲酒。杖者出。斯出矣。鄉黨
右明長幼之序。

曾子曰。君子以文會友。以友輔仁。論語顏淵

○孔子曰。朋友切切偲偲。兄弟怡怡。論語

子路

○孟子曰。責善朋友之道也。離婁下

○子貢問友。孔子曰。忠告而善道之。不可

則止。無自辱焉。顏淵

○孔子曰。居是邦也。事其大夫之賢者。友

其士之仁者。論語衛靈公

○益者三友。損者三友。友直。友諒。友多聞。

益矣。友便辟。友善柔。友便佞。損矣。論語季氏

○孟子曰。不挾長。不挾貴。不挾兄弟。而友

友也者。友其德也。不可以有挾也。萬章下

○曲禮曰。君子不盡人之歡。不竭人之忠。

以全交也。

右明朋友之交。

孔子曰。君子事親孝。故忠可移於君。事兄

弟。故順可移於長。居家理。故治可移於官。

是故行成於內。而名立於後世矣。孝經

○天子有爭臣七人。雖無道，不失其天下。諸侯有爭臣五人。雖無道，不失其國。大夫有爭臣三人。雖無道，不失其家。士有爭友，則身不離於令名。父有爭子，則身不陷於不義。故當不義，則子不可以弗爭於父。臣不可以弗爭於君。孝經

○欒共子曰：民生於三，事之如一。父生之，師教之，君食之。非父不生，非食不長，非教師教之。

不知生之族也。故壹事之。唯其所在，則致死焉。報生以死，報賜以力，人之道也。國語

晉語

○晏子曰：君令，臣共。父慈，子孝。兄愛，弟敬。夫和，妻柔。姑慈，婦聽。禮也。君令而不違，臣共而不貳。父慈而教，子孝而箴。兄愛而友，弟敬而順。夫和而義，妻柔而正。姑慈而從，婦聽而婉。禮之善物也。左傳昭公二十六年

○曾子曰。親戚不說。不敢外交。近者不親。不敢求遠。小者不審。不敢言大。故人之生也。百歲之中。有疾病焉。有老幼焉。故君子思其不可復者。而先施焉。親戚既沒。雖欲孝。誰爲孝。年既耆艾。雖欲悌。誰爲悌。故孝有不及。悌有不時。其此之謂歟。大戴禮

○官怠於宦成。病加於少愈。禍生於懈惰。孝衰於妻子。察此四者。慎終如始。詩曰。靡

不有初。鮮克有終。說苑又鄧析子

○荀子曰。人有三不祥。幼而不肯事長。賤而不肯事貴。不肖而不肯事賢。是人之三不祥也。非相

○無用之辯。不急之察。棄而不治。若夫君臣之義。父子之親。夫婦之別。則日切磋而不舍也。荀子天論

右通論

敬身 第三

孔子曰。君子無不敬也。敬身為大身也。者親之枝也。敢不敬與。不能敬其身。是傷其親。傷其親。是傷其本。傷其本。枝從而亡。仰聖模。景賢範。述此篇。以訓蒙士。丹書曰。敬勝怠者吉。怠勝敬者滅。義勝欲者從。欲勝義者凶。大戴禮

○曲禮曰。毋不敬。儼若思。安定辭。安民哉。

教不可長。欲不可從。志不可滿。樂不可極。賢者狎而敬之。畏而愛之。愛而知其惡。憎而知其善。積而能散。安安而能遷。臨財毋苟。得臨難毋苟。免狼毋求勝。分毋求多。疑事毋質。直而勿有。

○孔子曰。非禮勿視。非禮勿聽。非禮勿言。

非禮勿動。顏淵

○出門如見大賓。使民如承大祭。已所不

欲勿施於人。顏淵

○居處恭。執事敬。與人忠。雖之夷狄不可棄也。子路

○言忠信。行篤敬。雖蠻貊之邦行矣。言不忠信。行不篤敬。雖州里行乎哉。衛靈公

○君子有九思。視思明。聽思聰。色思溫。貌思恭。言思忠。事思敬。疑思問。忿思難。見得思義。季氏

○曾子曰。君子所貴乎道者三。動容貌。斯遠暴慢矣。正顏色。斯近信矣。出辭氣。斯遠鄙倍矣。論語泰伯

○曲禮曰。禮不踰節。不侵侮。不好狎。脩身踐言。謂之善行。

○樂記曰。君子。姦聲亂色。不留聰明。淫樂慝禮。不接心術。惰慢邪辟之氣。不設於身體。使耳目鼻口心知百體。皆由順正以行。

其義。

○孔子曰。君子食無求飽。居無求安。敏於事而慎於言。就有道而正焉。可謂好學也已。學而

右明心術之要

冠義曰。凡人之所以為人者。禮義也。禮義之始。在於正容體。齊顏色。順辭令。容體正。顏色齊。辭令順。而後禮義備。以正君臣親

父子。和長幼。君臣正。父子親。長幼和。而後禮義立。

○將上堂。聲必揚。戶外有。二屨言聞則入。言不聞則不入。將入戶。視必下。入戶奉肩。視瞻毋回。戶開亦開。戶闔亦闔。有後入者。闔而勿遂。毋踐履。毋踏席。摳衣趨隅。必慎。唯諾。曲禮

○禮記曰。君子之容。舒遲。見所尊者。齊遫。

足容重。手容恭。目容端。口容止。聲容靜。頭容直。氣容肅。立容德。色容莊。玉藻

○少儀曰。不窺密。不旁狎。不道舊故。不戲色。毋拔來。毋報往。毋瀆神。毋循枉。毋測未至。毋訾衣服成器。毋身質言語。

○論語曰。車中不內顧。不疾言。不親指。鄉黨

○曲禮曰。凡視上於面則敖。下於帶則憂。

傾則姦。

○論語曰。孔子於鄉黨恂恂如也。似不能言者。其在宗廟朝廷。便便言。唯謹爾。朝與下大夫言。侃侃如也。與上大夫言。誾誾如也。鄉黨

○士相見禮曰。與君言。言使臣。與大人言。言事君。與老者言。言使弟子。與幼者言。言孝弟于父兄。與衆言。言忠信慈祥。與居官。

小學... 中學... 書院

者言言忠信。儀禮

○論語曰。席不正不坐。鄉黨

○曲禮曰。並坐不橫。肱授立不跪。授坐不立。

○少儀曰。執虛如執盈。入虛如有人。

右明威儀之則。

○孔子曰。士志於道而恥惡衣惡食者。未足與議也。論語里仁

右明衣服之制。

○論語曰。食不厭精。膾不厭細。食饁而餲。魚餒而肉敗。不食。色惡不食。臭惡不食。失飪不食。不時不食。割不正不食。不得其醬不食。肉雖多。不使勝食氣。唯酒無量不及亂。鄉黨

○孟子曰。飲食之人。則人賤之矣。為其養小以失大也。告子上

小學... 敬身 飲食 二十一 中學書院

右明飲食之節

稽古第四

孟子道性善言必稱堯舜其言曰舜爲法於天下可傳於後世我猶未免爲鄉人也。是則可憂也。憂之如何如舜而已矣。撫往行實前言述此篇使讀者有所興起。

太任文王之母。摯任氏之中女也。王季娶以爲妃。太任

之性端一誠莊。惟德之行。及其娠文王。目不視惡色。耳不聽淫聲。口不出敖言。生文王而明聖。太任教之以一而識百。卒爲周宗。君子謂太任爲能胎教。列女傳

○孟軻之母。其舍近墓。孟子之少也。嬉戲爲墓間之事。踊躍築埋。孟母曰。此非所以居子也。乃去舍市。其嬉戲爲買街。孟母曰。此非所以居子也。乃徙舍學宮之旁。其嬉戲乃設俎豆。揖讓進退。孟母曰。此真可以居子矣。遂居之。孟子幼時。問東家殺猪。何爲。母曰。欲啖汝。旣而悔。

日。吾聞古有胎教。今適有知而欺之。是教之不信。乃買猪肉以食之。既長就學。遂成大儒。

右立教

虞舜父頑母嚚象傲。克諧以孝。烝烝乂不格姦。堯典

○楊子曰。事父母。自知不足者。其舜乎。不可得而久者。事親之謂也。孝子愛日。法言

○文王之爲世子。朝於王季。日三雞初鳴而衣服。至於寢門外。問內豎之御者。曰。今日安否何如。內豎曰。安。文

王乃喜。及日中。又至。亦如之。及莫。又至。亦如之。其有不安節。則內豎以告。文王。文王色憂。行不能正履。王季復膳。然後亦復初。食上。必在視寒暖之節。食下。問所膳。命膳宰曰。未有原。應曰。諾。然後退。文王世子

○孔子曰。武王周公其達孝矣乎。夫孝者善繼人之志。善述人之事者也。踐其位。行其禮。奏其樂。敬其所尊。愛其所親。事死如事生。事亡如事存。孝子之至也。

○淮南子曰。周公之事文王也。行無專制。事無由己。身若不勝衣。言若不出口。有奉持於文王。洞洞屬屬。如將不勝。如恐失之。可謂能子矣。中庸

○孟子曰。曾子養曾皙。必有酒肉。將徹。必請所與。問有餘。必曰有。曾皙死。曾元養曾子。必有酒肉。將徹。不請所與。問有餘。曰亡矣。將以復進也。此所謂養口體者也。若曾子則可謂養志也。事親若曾子者可也。離婁上

○孔子曰。孝哉閔子騫。人不間於其父母昆弟之言。先進

○樂正子春下堂而傷其足。數月不出。猶有憂色。門弟子曰。夫子之足瘳矣。數月不出。猶有憂色。何也。樂正子春曰。善如爾之間也。善如爾之間也。吾聞諸曾子。曾子聞諸夫子曰。天之所生地之所養。惟人爲大。父母全而生之。子全而歸之。可謂孝矣。不虧其體。不辱其身。可謂全矣。故君子頃步而不敢忘孝也。今予忘孝之道。予是全矣。

以有憂色也。一舉足而不敢忘父母。是故道而不徑。舟而不游。不敢以先父母之遺體行。殆。壹出言而不敢忘父母。是故惡言不出於口。忿言不反於身。不辱其身。不羞其親。可謂孝矣。禮記祭義又大戴禮曾子大孝篇

○伯俞有過。其母笞之。泣。其母曰。他日笞子。未嘗泣。今泣。何也。對曰。俞得罪。笞常痛。今母之力不能使痛。是以泣。故曰。父母怒之。不作於意。不見於色。深受其罪。使可哀憐。上也。父母怒之。不作於意。不見於色。其次也。父母

怒之。作於意見於色。下也。說苑建本篇

○公明宣學於曾子。三年不讀書。曾子曰。宣而居參之門。三年不學。何也。公明宣曰。安敢不學。宣見夫子居庭。親在叱咤之聲。未嘗至於犬馬。宣說之。學而未能。宣見夫子之應賓客。恭儉而不懈惰。宣說之。學而未能。宣見夫子之居朝廷。嚴臨下而不毀傷。宣說之。學而未能。宣說此三者。學而未能。宣安敢不學而居夫子之門乎。說苑反質篇

苑反質篇

○高子臯之執親之喪也。泣血三年未嘗見齒。君子以爲難。檀弓上又家語

○曾子有疾。召門弟子曰。啓予足。啓予手。詩曰。戰戰兢兢。如臨深淵。如履薄冰。而今而後。吾知免夫。小子。論語

泰伯

○武王伐紂。伯夷叔齊叩馬而諫。左右欲兵之。太公曰。此義人也。扶而去之。武王已平殷亂。天下宗周。而伯夷叔齊恥之。義不食周粟。隱於首陽山。采薇而食之。遂餓

而死。史記列傳

○衛靈公與夫人夜坐。聞車聲。憐憐至闕而止。過闕復有聲。公問。夫人曰。知此爲誰。夫人曰。此蘧伯玉也。公曰。何以知之。夫人曰。妾聞禮下公門。式路馬。所以廣敬也。夫忠臣與孝子。不爲昭昭。信節。不爲冥冥。情行。蘧伯玉。衛之賢大夫也。仁而有智。敬於事上。此其人必不以闇昧廢禮。是以知之。公使人視之。果伯玉也。列女傳

○趙襄子殺智伯。漆其頭以爲飲器。智伯之臣豫讓欲

爲之報仇。乃詐爲刑人。挾匕首。入襄子宮中塗廁。左右欲殺之。襄子曰。智伯死無後。而此人欲爲報仇。眞義士也。吾謹避之耳。讓又漆身爲癩。吞炭爲啞。行乞於市。其妻不識也。其友識之。爲之泣曰。以子之才。臣事趙孟。必得近幸。子乃爲所欲爲。顧不易耶。何乃自苦如此。讓曰。委質爲臣。而求殺之。是二心也。吾所以爲此者。將以愧天下後世之爲人臣而懷二心者也。後又伏於橋下。欲殺襄子。襄子殺之。

戰國策又史記列傳

○王孫賈事齊閔王。王出走。賈失王之處。其母曰。女朝去而晚來。則吾倚門而望。女莫出而不還。則吾倚閭而望。女今事王。王出走。女不知其處。女尚何歸。王孫賈乃入市中。曰。淖齒亂齊國。殺閔王。欲與我誅齒者。袒右。市人從之者四百人。與誅淖齒。刺而殺之。

戰國策又通鑑

○白季使過冀。見冀缺耨。其妻饁之。敬相待如賓。與之歸。言諸文公。曰。敬德之聚也。能敬必有德。德以治民。君請用之。臣聞出門如賓。承事如祭。仁之則也。文公以爲

下軍大夫。左傳僖公三十三年

○衛共姜者。衛世子共伯之妻也。共伯蚤死。共姜守義。父母欲奪而嫁之。共姜不許。作柏舟之詩。以死自誓。詩

邶風柏舟小序

○蔡人妻。宋人之女也。既嫁而夫有惡疾。其母將改嫁之。女曰。夫之不幸。乃妾之不幸也。奈何去之。適人之道。豈與之醮。終身不改。不幸遇惡疾。彼無大故。又不遣妾。何以得去。終不聽。列女傳

○萬章問曰。象日以殺舜為事。立為天子。則放之何也。

孟子曰。封之也。或曰。放焉。仁人之於弟也。不藏怒焉。不

宿怨焉。親愛之而已矣。萬章上

○伯夷叔齊。孤竹君之二子也。父欲立叔齊。及父卒。叔

齊讓伯夷。伯夷曰。父命也。遂逃去。叔齊亦不肯立而逃。

之。國人立其中子。史記列傳

○虞芮之君。相與爭田。久而不平。乃相謂曰。西伯仁人也。盍往質焉。乃相與朝周。入其境。則耕者讓畔。行者讓

路入其邑。男女異路。斑白者不提挈。入其朝。士讓為大夫。大夫讓為卿。二國之君感而相謂曰。我等小人不可。以履君子之庭。乃相讓。以其所爭田為間田而退。天下聞之而歸之者四十餘國。詩大雅綿篇毛氏傳又家語說苑

○曾子曰。以能問於不能。以多問於寡。有若無。實若虛。犯而不校。昔者吾友嘗從事於斯矣。泰伯

○孔子曰。晏平仲善與人交。久而敬之。公

治長

右明倫

孟子曰。伯夷目不視惡色。耳不聽惡聲。萬

章下

○子游為武城宰。子曰。女得人焉爾乎。曰。有澹臺滅明者。行不由徑。非公事未嘗至於偃之室也。論語雍也

○南容三復白圭。孔子以其兄之子妻之。先進

○子路無宿諾。顏淵

○孔子曰。衣敝緼袍。與衣狐貉者。立而不恥者。其由也與。論語子罕

○公父文伯退朝。朝其母。其母方績。文伯曰。以歌之家。而主猶績乎。其母歎曰。魯其亡乎。使童子備官。而未之聞邪。居吾語女。夫民勞則思。思則善心生。逸則淫。淫則忘善。忘善則惡心生。沃土之民不材。淫也。瘠土之民莫不嚮義。勞也。是故王后親織。立統。公侯之夫人。加以紘。緼。卿之內子。為大帶。命婦成祭服。列士之妻。加之以朝。

服。自庶士以下。皆衣其夫。社而賦事。烝而獻功。男女效績。愆則有辟。古之制也。吾冀而朝夕修我。曰必無廢先人。爾今日胡不自安。以是承君之官。余懼穆伯之絕嗣也。國語魯語

○孔子曰。賢哉回也。一簞食。一瓢飲。在陋巷。人不堪其憂。回也不改其樂。賢哉回也。雍也

右敬身

衛莊公娶于齊。東宮得臣之妹。曰莊姜。美而無子。又娶

于陳曰厲嬀生孝伯早死其姊戴嬀生桓公莊姜以爲己子公子州吁嬖人之子也有寵而好兵公弗禁莊姜惡之石碯諫曰臣聞愛子教之以義方弗納於邪驕奢淫佚所自邪也四者之來寵祿過也夫寵而不驕驕而能降降而不憾憾而能眡者鮮矣且夫賤妨貴少陵長遠間親新間舊小加大淫破義所謂六逆也君義臣行父慈子孝兄愛弟敬所謂六順也去順效逆所以速禍也君人者將禍是務去而速之無乃不可乎左傳隱公

三年

○劉康公成肅公會晉侯伐秦成子受賑于社不敬劉子曰吾聞之民受天地之中以生所謂命也是以有動作禮義威儀之則以定命也能者養之以福不能者敗以取禍是故君子勤禮小人盡力勤禮莫如致敬盡力莫如敦篤敦在養神篤在守業國之大事在祀與戎祀有執膳戎有受賑神之節也今成子惰棄其命矣其不反乎左傳成公十三年

○衛侯在楚。北宮文子見令尹圍之威儀。言於衛侯曰。令尹其將不免。詩云。敬慎威儀。維民之則。令尹無威儀。民無則焉。民所不則。以在民上。不可以終。公曰。善哉。何謂威儀。對曰。有威而可畏。謂之威。有儀而可象。謂之儀。君有君之威儀。其臣畏而愛之。則而象之。故能有其國家。令聞長世。臣有臣之威儀。其下畏而愛之。故能守其官職。保族宜家。順是以下。皆如是。是以上下能相固也。衛詩曰。威儀棣棣。不可選也。言君臣上下父子兄弟內

外大小皆有威儀也。周詩曰。明友攸攝。攝以威儀。言朋友之道。必相教訓。以威儀也。故君子在位可畏。施舍可愛。進退可度。周旋可則。容止可觀。作事可法。德行可象。聲氣可樂。動作有文。言語有章。以臨其下。謂之有威儀也。左傳惠公三十一年

右通論

小學內篇終

明治三十三年二月三日印刷
明治三十三年二月十日發行

小學提要壹

定價金貳拾錢

發行兼編輯者

高橋茂三

東京市麹町區富士見町五丁目二十二番地

印刷者 吉岡嚴八

東京市牛込區市谷加賀町一丁目十二番地

印刷所 株式會社秀英舍工場

東京市牛込區市谷加賀町一丁目十二番地

發行所 中學書院

東京市麹町區富士見町五丁目二十二番地



